

Vuk'uzenzele



Produced by Government Communications (GCIS)

Setswana / English

| August 2016 Edition 2

2016 Elections gets a nod



South Africans came out in numbers to cast their votes in the 2016 Local Government elections.

SANews

Government is pleased with voting during the 2016 Municipal Elections, which proceeded well.

About 26 million South Africans who registered cast their votes in the 22 612 voting stations situated nationally. This is the fourth local government elections.

President Jacob Zuma said the elections are an indication that South Africa is one of the countries in Africa that is leading in democracy.

"I am pleased our country is a demonstration of how democracy should work," said

the President after casting his vote.

Minister of Cooperative Governance and Traditional Affairs Minister Des Van Rooyen also congratulated the Independent Electoral Commission (IEC) for

delivering yet another election.

"Government applauds the youth, especially the first time voters, for their commitment towards advancing our democracy," said Minister Des Van Rooyen, who is also the chairperson of the Inter-Ministerial Committee (IMC) on Elections.

Over 75 000 police members deployed at polling stations ensured that elections were held in a safe environment.

Government has encouraged all citizens to work together with those elected to public office to strengthen

local government.

Chief Electoral Officer of the IEC Mosotho Moepya said the country should be proud of the achievements.

First-time voter, Israel Mnisi from Soshanguve in Pretoria, said he was excited to cast his vote.

"I have long been waiting for this moment, it's exciting, now I know that I have voted for my community to get better service delivery," he said.

Another community member, who was excited about the day, was Martha Thusi from Soweto who said voting is about honouring the past and reaffirming the country's democratic future.

"I could not just sit and not vote. We might have challenges as a country but after 22 years of freedom - a lot has been done. In my area for example we have most of the basic services. We have schools, clinics, libraries and shopping malls," she said.

Her only wish was that the new councillor continues with the delivery of services.

Despite these, Thusi acknowledged that there were still challenges facing local government but was also of the view that voting is more effective than service delivery protests. **V**



Better access to medication

Page 4




More homes for Etwatwa community

Page 6

ICT can help improve SA

Page 9



President Jacob Zuma casting his vote.

Voting in numbers

- Over 73 million ballot papers were printed.
- 4 649 unique ballot papers representing political parties and independent candidates.
- A record of 200 parties and 61 014 candidates contested the Municipal Elections. This was approximately 65 percent more parties and approximately 12 percent more candidates than the previous municipal elections held in 2011.

ALSO AVAILABLE ON:



@VukuzenzeleNews

Vuk'uzenzele

Websites: www.gcis.gov.za
www.vukuzenzele.gov.za
 E-mail: vukuzenzele@gcis.gov.za
 Tel: (+27) 12 473 0179

Free Copy

Phithhelelo e e bonolo ya melemo

Nonkululeko Mathebula

MaAfrika Borwa go ise go ye kae ba tla iponela melemo ya bone ka mokgwa wa "se-ATM" moo ba tla kgotlhang metšhine go ba naya melemo boemong jwa go e neelwa ke batlhankedi ba melemo.

Seno ke ka ntlha ya tirisanommogo magareng ga Lefapha la Boitekanelo le mokgatlo *Right To Care*.

Le fa e le gore ga e ise e thankgololwe semmuso, Yuniti ya Kabomelemo (PDU) ya maemo a a kwa godimo ya puso e setse e dirisiwa kwa Sepetleleng sa Helen Joseph, kwa Alexandra, mo Johannesburg le kwa Sepetleleng sa Steve Biko kwa Pretoria.

Maitlhommo a thekenoloji e ntšhwa ke go fokotsa mela e meelele le go tokafatsa kabo ya ditirelo le go abelana ka thulaganyo ya tlhokomelo ya boitekanelo ya boleng.

Fa a buisana le ba *Vuk'uze-*

nzele mo leetong la gagwe kwa Sepetleleng sa Helen Joseph, David Molele, yo a dirang mananeo a tsa diroboto mo mokgatlong wa melemo wa *Right-e pharmacy* o tlhalositse gape gore motšhini ono o tla fokotsa gape le diposo tsa tsamaiso.

"Thulaganyo eno e e amogetsweng ka diatla tsoopedi ke bao ba setseng ba e dirisitse go fitlha ga jaana e fokotsa sebak sa go leta kwa maokelong a puso.

"Thulaganyo eno e dirile gore sebaka sa go letela melemo se fokotsege ka metsoso e ka nna e le 15 le e le 20."

"Thulaganyo eno e dirile gore sebaka sa go letela melemo se fokotsege ka metsoso e ka nna e le 15 le e le 20, mme ke sone seo re se batlang," go buile jalo Molele.

PDU e dira go tshwana fela le motšhini wa ATM. Gore ba iponele melemo balwetse kwa tshimologong ba tla tshwanelwa ke go ikwadisetsa tirelo

eno. Mme ba tla neelwa karata e e tshwanang le ya kwa bankeng. Gore ba kgone go ntsha melemo ya bone, balwetse ba tla lokela karata ka fa motšhining wa PDU, ba tsenye PIN mme ba tlhophe molemo oo ba o tlhokang mo lenaneong la melemo e e tlhagelelang mo taelong ya melemo eo ba laetsweng gore ba e enwe.

Go ya ka Molele, maitlhomomago ke go dira gore ditlulaganyo tseno di fitlhelwe le mo mafelong a a jaaka diti kwatikwe tsa mabentlele le mo mebileng eo dithekisi di fetang mo go yone go kgontsha balwetse go iponela melemo ya bona bonolo fa ba e tlhoka.

Thulaganyo eno ya ATM e teng kwa Alex Plaza mo Alexandra, Ndofoya Mall mo Soweto, le mo Diepsloot.

Go iponela melemo ka tsela eno go tla nna bonolo mo bathong bao ba amogelang melemo ya HIV gore ba iponele melemo.

Fa a ne a bua kwa Khonfe-



Yuniti ya Kabomelemo e tla kgontsha balwetse go fitlhelela tlhokomelo ya boitekanelo e e boleng.

renseng ya Boditšhabatšhaba ya AIDS e e neng e tshwaretswe kwa Durban mo malobeng, Tona ya Boitekanelo Aaron Motsoaledi o tlhalositse gore Aforika Borwa e samagane le lenaane le le kgologadi la kokelo ya HIV mo lefatsheng ka bophara.

"Palo ya balwetse ba ba leng mo kokelong eno mo dingwagasomeng di le tharo tse di fetileng e oketsegile go tloga mo bathong ba le 400 000 go feta ba le 3.4 milione. Le fa

go le jalo, palo ya badiredi ba tlhokomelo ya boitekanelo yona ga e a okediwa go tsamaisana le seno, e leng seogantsi se dirang gore balwetse ba ngamoge tlhogo e bile ba retelwe le ke go nwa melemo ka tshwanelo.

"Go botlhokwa jo bo seng kana ka sepe gore re tlotlomatse dikgato tsotlhe tse di leng teng tseo di tla dirang gore go nne bonolo gore batho ba tswelele go tsaya melemo," go buile jalo Tona Motsoaledi. **V**

Moko wa marapo a batho ba ba farologaneng o o tshwanang o tisa tsholofelo

Noluthando Mkhize

Kankere ya moko wa marapo e fetotse botshelo jwa ga Sibongile Mkhwanazi's (21) ka tsela a a gagamatsang mo dingwageng di le tlhano tse di fetileng.

O ne a nna le mme wa gagwe kwa Kroonstad, Foreistata, moo bolwetse jwa gagwe bo lemogilweng teng.

"Botshelo jwa me bo ne jwa fetoga ka tsela e e gagamatsang. Ka tloga mo go nneng mošwa jaaka ba bangwe mme ka bolelelwa fa ke na le bolwetse jo bo ka mpolayang.

"Ke ne ke tswele diso mo sefatlhogong mme di ne tsa ruruga. Seno se ne sa dira gore mme wa me a bone ngaka. Ke ne ka simolola le go koafala mme tiro ya me kwa sekolong le yone e ne ya amega mme ka kgaotsa go ya."

Morago ga go lemogwa fa a na le kankere ya moko wa marapo Sibongile o ne a amogelwa kwa sepetleleng dikgwedi di le tharoro. Mo pakeng eo o ne a sa tlhole a na le tshepo.

"Ke ne ke ipone gore ruri ke farologane le bana ba bangwe kwa sekolong e bile ke ne ke setse ke lapisitswe ke go bona manyaapelo a a neng a le mo

sefatlhogong sa mme wa me."

Ngwaga yo mongwe le yo mongwe diketekete tsa maAforika Borwa go lemogiwa fa ba na le kankere ya moko wa marapo, e leng bolwetse joo mo malobeng bo tseewa bo le kotsi tota.

Mo matsatsing ano kankere ya moko wa marapo e okiwa ka katlego. Eno ke pego ya Ngaka Guni Goolab Motlhanke-di yo Mogolo wa Sekema sa Tlhokomelo ya Boitekanelo sa Badiredi ba Puso (GEMS).

Ngaka Goolab o tlhalositse gore melemo ya kankere e tlhabologile moo e leng gore kankere ya moko wa marapo mmo go le dikankere tse dingwe tse di tshwaetsang madi ga di sa tseewa e le tseo di ka bolayang motho.

"Dipalopalo tsa balwetse ba kankere ya moko wa marapo, e leng e e itsegeng thata jaaka ngwana wa kankere, e oketsegile go tloga go diphesente di le tharo go fitlha mo go di ka nna 90% mo dingwageng tse di fetileng di le 40 ka thuso ya kokelo e e manontlholtho e e jaaka ya go tsenyetswa moko wa marapo go tswa mo mothong yo mongwe, e leng seo se thusang go ntsha disele tsa kankere mo mmeleng wa molwetse," go buile jalo Ngaka Goolab.

Sibongile o santse a etela bookelo go lekolwa gangwe le gape mme dingaka di mo neile tshepo ene le mme wa gagwe.

"Mo malobeng dingaka di mpoleletse fa ba bone motho yo a nkabetseng moko wa lerapo mme jaanong ba baakanyetsa mmele wa me go dira karo."

Mo balwetseng ba bantsi ba kankere ya moko wa marapo, go tsenngwa moko go tswa mo mothong yo mongwe ke yona tsela e le esi fela ya go phologa.

E no ke yona tsela eo e dirang

gore mekgatlho e e jaaka wa *Sunflower Fund* e nne mosola.

Sunflower Fund ke Mokgao-tlho o o seng wa Puso (NGO) o maitlhommo a one e leng go atisa Lenaneo la Moko wa Marapo la maAforika Borwa ka go atisa matlole a a tlhokagalang a go duelela diteko tsa botlanyi jwa ditogwana.

Kgonagalo ya go iponela motho yoo moko wa gagwe wa marapo o tshwanang le wa gago e kwa tlase – motho a le 1 mo go ba le 100 000 e ka nna ene a le esi

yoo moko wa gagwe wa marapo o tshwanang le wa gago.

Ke ka ntlha ya seno fa *Sunflower Fund* e rotloetsa maAforika Borwa otlhe go ikwadisa mo Lenaneong la Moko wa Marapo.

Go ikwadisa mo lenaneong leno go bonolo tota mme go tlhoka fela gore go tlhatlhoiwa madi a gago go bona fa e le gore moko wa gago o tshwana le wa molwetse yo gongwe a tla tlhagelelang fa nako e tsamaya.

Sibongile o ikuetse mo maAforika Borweng otlhe go itlhaba botlhale ka ga kankere ya moko wa marapo mme ba pholose matshele a batho ba bangwe.

"Ke rata go ka kuelela mo go maAforika Borwa go itlhaba botlhale ka ga kankere ya moko wa marapo."

Go bona tshedimosetso ka botlalo

Letsetsa mogala o o sa duelelweng wa *Sunflower Fund*: 0800 121 082 gore o rulaganye go ka nna yo mongwe wa baabelani ba moko wa marapo, kgotsa etela www.sunflowerfund.org.za

* *Dipegelo tsa tlaletso di tswa kwa go ba Sekema sa Tlhokomelo ya Boitekanelo sa Badiredi ba Puso.*

A o ne o itse?

- Go tlhokega fela maswana a tee a le mabedi fela go kwadisa jaaka motho yo a batlang go ka abelana ka moko wa madi go thusa yo mongwe.
- Go abelana ka modi wa sele ya moko wa marapo ga go botlhoko go fela jaaka fa o abelana ka madi.
- O tlhoka go nna le dingwaga di le magareng ga di le 18 le 50 mme boima jwa gago jwa mmele bo fete 50kg gore o letlelelwe go ka abelana ka moko wa madi.
- Kgonagalo ya go iponela motho yo a batlang go abelana ka moko wa gagwe wa marapo o tshwanang le wa gago e ka nna motho a le 1 mo go ba le 100 000.
- A le mongwe mo go ba le 100 000 wa maAforika Borwa o tla netefaletswa fa a na le kankere ya moko wa marapo.
- Kankere ya moko wa marapo ke tlhagiso e e feteletseng ya disele tse di sweu tsa madi tse di nang le matsapa mme di kgarametse kwa thoko disele tse dikhibidu tsa madi, tse di sweu le di-platelet tse di itekanetseng mme seo se koafatse mmele.

Dintlo tse dingwe gape mo baaging ba Etwatwa

Nonkululeko Mathebula

Baagi ba Combiza Extension 35 kwa Etwatwa, Ekurhuleni, jaanong ba ikgantsha ka go nna beng ba dintlo tse di seriti.

Matsatsi a go nna mo mekhukung le mo diphaposinyaneng tse di hirilweng a fedisitswe fa Meyaramogolo wa Teropokgolo ya Ekurhuleni yo a rolang tiro Motlotlegi Mondli Gungubele mmogo le Tokololo ya Komiti ya Meyara (MMC) ya Bonno jwa Batho Aubrey Nxumalo ba ne ba neela baagi ba lefelo leo dintlo di le 70. Fa a ne a bua mo nakong ya go abelana ka dintlo tseo Gungubele o rile dintlo tseno ke tsa maemo mme e bile di tla neela baagi seriti.

“Jaaka teropokgolo re neelana ka dintlo tse dintshwa tseno mo baaging ba ba nang le matshwanedi a go di amogela, mme seno e le karolo ya lenaane leno la dintlo.

“Re ikaelela go aga dintlo

tse dingwe gape di le 8 000 fa paka eno ya matlole e konosela mme gape re ikuelela mo go beng ba dintlo ba bantshwa bano go netefatsa gore malapa a bone a dula a sena tlhakatlhakano le go aga mekhukhu ya go hirisi-

“Jaanong ke nna mo ntlong ya me ka kagiso ke sena matshwenyego a gore go tla diragala eng ka thoto ya me fa dipula di tsorotla.”

wa kwa morago ga dintlo tseno,” o buile jalo.

Dintlo tseno di na le diphaposiborobalo di le pedi, phaposibotlhapelo e le nngwe, phaposiboapeelo e e bulegileng mmogo le phaposi ya borobasogo.

Lefelo le lentshwa leno le tla nna le ditsela tsa sekontiri, motlakase, thulaganyo ya go tsamaisa kgeleloeswe, diphaka tsa boitapoloso, thuto ya bana ya go sa le gale (ECD), mmogo le mafelo a dipalangwa tsa botlhe a a



Pertunia Mnyakeni ke mong wa ntlo yo a phophomang ka boitumelo. O bonwa fano a na le MMC Aubrey Nxumalo (ka fo molemeng) mmogo le Meyara wa Ekurhuleni Mondli Gungubele.

jaaka boemelo jwa dithekesi.

Yo mongwe wa ba ba unngwetsweng, Petrus Mashego (45), o ne a nna mo mokhukung dingwaga di le 22.

“Ke itumetse mo go maswe, seno e kete ke toro. Jaanong ke nna mo ntlong ya me ka kagiso ke sena matshwenyego a gore go tla diragala eng ka thoto ya me fa dipula di tsorotla,” o buile jalo.

Nxumalo o boleetse ba Vuk'uzenzele gore kgato eno e tsamaelana le go diragatsa maitlomo a puso.

“Fa re ne re tlhophiwa go rwala marapo mo dipusoselegaeng ka 2011 re ikanne mo pele ga batho ba borona gore dilo di tla fetoga mme re tla dira botshelo gore bo nne botoka mo go botlhe.

“Ka ntlha ya seo, re agile dintlo di ka nna 300 fela

kwa ,Combiza mme dintlo tse dingwe gape di tla agiwa kwa mafelong a mangwe mo teropong. Seno se tla tswelela go naya batho ba borona seriti,” go buile jalo Nxumalo.

O tlaleleditse ka gore batsofe, batho ba ba nang le bogole le malapa a a rwelweng ke bana mo magetlaeng e tla nna bone ba ba beetsweng kwa setlhoeng. **V**

Dintlo go baagi ba Thoyane

Thandeka Ngobese

Malapa ao mo malobeng a neng a tinngwa ditshono kwa Masepaleng wa Selegae wa Vulamehlo kwa KwaZulu-Natal jaanong ba nna mo dintlong tse di seriti, ditebogo go seno di lebiswa kwa Lefapheng la Bonno jwa Batho la KwaZulu-Natal.

Porojeke ya dintlo ya bokana ka R161 milione ya baagi ba Thoyane e ntshitswe ke Mokhuduthamaga (MEC) wa Lefapha la Bonno jwa Batho le Tirelo ya Puso Ravigasen Pillay mo malobeng. Dintlo di le 1 500 go tswa mo karolong ya Lenaaneng la Tlhabololo ya Metseselegae ka Kakaretso (CRDP) leo maitlomo a lona e leng go samagana le tshalemorago mo tlhabololong, tlhokego ya dijo tse di lekaneng, botlhokatiro, bohuma mmogo le dintlha tse dingwe tsa loago tse di sa siamang e leng tse di tsamaisanang le maemo a kwa metseselegaeng.

E nngwe ya dikungwelo tse Ntombizonke Maphumulo (52) a di tlhaloseditseng Vuk'uzen-



Meyaramogolo wa Masepala wa Vulamehlo Motlotlegi Thabani Dube le Mokhuduthamaga wa Bonno jwa Batho le Tirelo ya Puso Ravigasen Pillay o neela Ntombizonke Maphumulo ntlo.

zeleke gore o ne a sa dire e bile a sa kgone go ikagela ntlo.

“Ke motsadi a le esi ka bana ba le bararo le motlogolo a le esi. Bojotlhe jwa bone ga bo dire mme yo monnye o santse a tseba sekolo. Re iphedisa ka mogolo wa puso wa tlhokomelo ya bana. Re leboga puso go re neela ntlo e e nang le seriti,” o buile jalo.

MEC Pillay o tlhalositse gore puso ya porofense e agile dintlo di feta 800 000 fa e sale go thibogo ya 1994 mmogo le go tlhola ditshono tsa dintlo di feta 80 000 mo mafelong a tirelo.

“Re itse koo re tswang e bile re itse sentle koo re lebileng. Puso eno e mo leanong mme re ikaeletse go bona leano leo le tlharololwa ka botlalo,” o buile jalo.

O tlaleleditse ka gore Porojeke

“Ke ntse ke na le toro ya gore ka le lengwe la matsatsi ke tla nna le ntlo e e serite.”

ya Kago ya Dintlo tsa Metseselegae ya Thoyane e senotse maikaelelo a puso a go aga bo-

dulo jwa batho jwa leruri.

“Mo dingwageng di le tharo tse di tlang, go fitlha ka 2019, re ikaeletse go tlhola ditshono tsa dintlo di le milione o le mongwe tebang le magae a a nang le matshwanedi mo mafelong a kwa diteropong le kwa metseselegaeng.

“Re na gape le porojeke e nngwe eo re e bitsang Porojeke ya Dintlo tsa Metseselegae ya Vulamehlo mo Wateng ya bo 5 le ya bo 7. Porojeke eno ya bokanaka R215 milione e tla unngwela batho ba le 2 000 mo diwateng tseno ka bobedi.”

Yo mongwe wa bao ba unngwetsweng Nomvula Nzi-makwe (47) o tlhaloseditse Vuk'uzenzele gore o fitlhetse seo e ntseng e le toro ya gagwe. “Ke bogolotala ke ntse ke lakatsa gore ka le lengwe la matsatsi ke tla nna le ntlo eo e nang le seriti eo e reng nna wee. Ke ne ke nna mo mokhukung ono dingwaga di le 10. Fa dipula di tsorotla ke ne ke bo loma gone mo metsing ao. Dithulelo tsa one di ne di sa nele di ne di re tlang lo bone. Re leboga puso go re tlisetsa bodulo jono jo bo tla re busetsang seriti sa rona jaaka lelapa,” o buile jalo.

Porojeke ya Kago ya Dintlo tsa Metseselegae ya Thoyane e tlhodile gape le diphatlhatiro di le 400.

Meyaramogolo wa Masepala wa Vulamehlo Motlotlegi Thabani Dube o tlhalositse gore puso e diragaditse ditsholofetso tsa yone.

“Batho botlhe ba ba nang le matshwanedi ke na le bonnete jwa gore ba tla iponela dintlo. Eno ke fela kgato ya ntlha ya porojeke mme kgato ya bobedi e mo tseleng jaaka MEC a setse a tlhalositse,” o buile jalo. **V**